

贛縣志卷之九

循良志

風抗雲垂遺愛遺思樹松自咏植栢堪儀緬懷
崔政實始芳規嗣徽媿美章貢口碑煌煌簡冊
君子則之志循良第七

令佐

南宋

蕭贛字宜遠齊太祖長子大明中仕南宋爲贛令秦

贛縣志

卷九

循良

始元年晉安王子勛反于潯陽贛不從命南康相
沈肅之繫贛郡獄門客桓康與族人蕭欣祖第四
十人破獄出之追兵急康等歿戰生獲肅之遂率
部曲百餘人舉義屯揭陽山有白雀來集聞山中
清聲傳漏響又累石爲佛圖其側忽生一樹若華
蓋子勛遣戴凱之代爲南康相陶冲之代爲贛令
贛令軍主張宗之領千餘人擊破之凱之走冲之
被殺初贛將發兵大饗士卒天暑令各折荆枝自

蔽須史有雲垂蔭會所會罷乃散已又遣張應期
等襲破豫章事寧徵爲尚書庫部郎封贛縣子固
辭不受轉廣興相後卽帝位廟號世祖

唐

張九臯曲江人九齡仲弟孝廉登科嶺南按察尚書
裴佑先表受海豐司戶及佑先討五溪蠻奏授贛
縣令軍興倚辦供億無畱宣慰使梁勛竹承構先
後奏其戶口增益清白有聞褒進朝散大夫己陵

贛志

卷九

循良

二

別駕九齡求解相待養不許詣就近地改授九臯
南康別駕以優省覲累遷殿中丞尚書職方郎中
九齡謫荊州九臯亦貶外臺歷南康淮安彭城睢
陽四郡太守有政績詔書褒美再改南海太守兼
五府節度經略採訪處置等使封南康郡開國伯
第爲嶺南節度使時專供楊妃織繡之工多至七
百人後以所獻精靡加三品頗爲特議所疵

宋

錢顛字安道無錫人以祕書省著作佐郎知顛縣脩
夫子廟飾冠冕新祭器以治行聞治平末爲殿中
侍御史裏行坐疏論王安石貶監衢州鹽稅家貧
母老處之怡然蘇軾贈詩有烏府先生鐵作肝之
句因號鐵肝御史

孫逢辰字會之龍泉人乾道進士淳熙中茶寇轉揆
江西逢辰以顛縣丞董餉乃齎金帛隨所至易米
省饋運十七八又奏記漕司將袁顛兩州應納油

顛志

卷九

循良

三

麻改折蠲其積逋漕司得請兩郡蒙利

胡文舉字仲明進賢人寶祐進士由寧國軍主簿調
顛尉先是有殺人而匿其屍者不得其主名文舉
至偶獲一屍于池無首令死者之母驗之臂有涅
跡果是其子因密察其妻嘗與一男子私促逮男
子至而別鞫其妻妻疑事已爲男子先泄遂吐實
蓋與男子共殺夫而棄屍于是池埋首于他所也
掘首與屍合

明

崔天錫字彥才真定贊皇人由賢良舉歷官有聲尤
明初取贛州卽以天錫知贛縣事當艸昧之際事
多勑造重建縣治及禮殿明倫堂濂溪書院造浮
梁以濟章水貢水又建章水鄉長步橋雲泉鄉桂
源橋百廢竝興而民不擾先是至正戊戌邑罹僞
漢兵火版籍契券燬棄靡遺原額糧石五千七百
有奇至是失額公私交病則爲多方訪求令民具

贛志

卷九

循良

四

實自呈及互相叅覈既有次第復按行封畛度田
廣狹肥瘠率三十而稅一暮年得糧五百餘石錢
二十五貫始及原額糧覈役均人咸稱便在任九
年陞廣州府知府

陸賢吳縣人由人材舉洪武初知贛縣爲政簡易清
覈田糧以正版籍民席其惠且富文學凡境內碑
碣多其著述

李素字宗文蒼梧人永樂甲辰進士宣德元年知贛

縣事脩廢舉墜祛蠹釐奸得良牧體邑之建春門
東津渡西津門知政橋儒學殿堂齋廡泮池儒星
門及長興鄉移溪橋皆其勗脩也哉荒勸富戶出
粟以賑民不至孳秩滿保畱踰十五年進俸正六
品以憂去耄倪愛戴不忘

何又縉字德章南海人成化戊戌進士初授贛縣令
政尚平易有
望時當多事能舉其職未滿考擢
戶部主事終知府

贛縣志

卷九

循良

五

黃世忠字考卿長樂人由鄉舉初任兗州司訓弘治
初知贛縣有守有爲以民俗尚鬼毀淫祠百十所
作詩四絕徧諭百姓蓋學道愛人之君子也將滿
考以憂去

蔣曙字景明全州人弘治丙辰進士筮入贛縣爲
寬仁恩施甚厚先是郡中職清我者歲計三修以
爲政績故絕軍已歷百餘年者往往修事或而後續
之械繫戶丁遣送戍所民之

按核其實一一分辯之連章累牘請于清戎直指
除豁者甚眾然漏而未及辯疑而未卽允者尚多
也公移南戶曹公越二十季邑省祭王灝伏闕
陳狀部檄下藩司會公以廣東叅政超遷江西右
轄總清軍事于是力請于直指朱公衮爲之覆疏
公入覲又恭請于大司馬以故邑中絕軍之續
補者俱得如所奏名數盡除其籍焉公覲回亟
檄有司令里授信符以拔禍本乃猾胥惡去其利

贛縣志

卷九

循良

謀寢之數年郡太守王公世芳刷理案牘始追論
沉閣者罪刊布書冊於各里合邑之民如獲更生
到今受公之賜云公轉楚左轄晉中丞開府鄖陽
入爲少司空致仕三子二孫俱登科蓋厚德之報
也

張對字汝登餘姚人隆慶戊辰進士初知贛縣下車
卽以愛民猶子處事如家二扁揭庭柱詢知民間
多告不敷狀爲騙局特整一牌于二門外大書凡

軍民賣去田產已得價值而告不敷者不准或
本情故捏別事牽告者訊實必加罪責以故一時
刁風頓熄而訟獄爲清且堂規嚴肅關防精密吏
胥無所容其竊弄皂快無敢有所咆哮小民有冤
苦赴愬者輒爲伸理士有文行者督之學常提誨
獎進之踰年調常熟歷轉江西按察使卒于官士
民有遺思焉

何一達道州人由鄉舉令西充補任贛縣性真誠絕

贛縣志

卷九

循良

七

無時態敝衣綴履不異儒生每見父老子弟諄諄
以勤儉二字相勸諭對簿者立爲剖其曲直非大
有干犯多不科罪一切征輸惟正外毫無餘羨諸
凡供億饋遺務從節省蓋冰玉之操矚然不淄而
介石之性確然不易古之所謂良吏今之所謂古
人也陞廣東市舶提舉

陳履忠字鳳阿雲南人由進士任贛令有經濟才立
義倉建書院理煩治劇條陳保民四事請詳力行

上臺重其賢能悉批允及今猶仰德焉

國朝

王煨焜字雲芝山東人貢士時贛此儻滿目公加意撫恤催科不擾雖署中薪米亦必自給甚至缺乏不以告人其廉隅自飭如此公兄王炳焜同時任江西糧道公銜資斧則貸諸兄以足贛署之用至教養兼舉有古良吏風焉

黃里字君畝湖廣人辛卯貢士初蒞贛見荒缺什之

贛縣志

卷九

循良

八

七爲繪圖泣請詳題免荒糧壹萬叁千缺丁捌千柒伯畱給贛鎮兵米抵作贛漕虔撫佟公國器允公請具疏題定至今兵民受福公之造也公事太夫人以孝聞後因病乞歸

劉瀚芳字北海北京人戊子副榜貢公器量寬厚尤多才略贛處衝繁比年數經大兵舟車夫役芻茭糗糧公措之裕如百姓若不知有悉索之苦也至厘奸剔弊不遺餘力猾吏之訛法舞文者輒痛繩

之自兵燹以來文廟衙舍城垣倉庫日就傾圮公捐貲倡修煥然改觀雅好折節文士開館面試分題較藝寒暑罔間文風丕變士蒸蒸歿起矣自著有蘭畹居稿歎碧艸及課士偶拈三年政成 藩臬臺使交章薦揚

論曰循良之名昉於漢乃班史傳者僅六人范史傳者僅十有二不綦難哉歿漢時有治理效輒以璽書褒嘉增秩賜金或爵至關內侯當是時

吏治競尚名高可不謂盛欤贛麗郡地當吳楚閩粵之交兵事一熾爭戰攻守動必踰歲民生其時輾轉仳倚歷稽往事可悲也任茲民牧即昇平日久堂上鳴琴田間鼓腹而往來衝繁尚難清淨無爲矧當兵燹之餘自非得循良諸君子繪圖請命多方招徠又烏能勝任而起凋耗乎雖歿諸君子爲此固極難耳

親臨名賢附

王守仁字伯安餘姚人弘治己未進士主武選事時
疏救言官戴銑忤逆瑾杖謫貴州龍場驛丞瑾誅
累遷右僉都御史巡撫南贛臺門置二匾榜曰求
通民情願聞已過民間嚴行保甲法選材官力士
教以技藝汰諸縣機兵以其傭直募新民之任戰
者凡智略權譎之士悉羅而寘諸幕下首擊破南
靖賊于象湖山奏設平和縣乃請提督軍務請畱

贛縣志

卷九

名賢

十

鹽課兵威益振於是剿橫水搗左溪夷桶岡覆三
泐積年巨寇次第蕩平于南安設縣曰崇義于惠
州設縣曰和平百千豺虎之區一旦化爲治境矣
軍旅之暇與諸生講學又立社學以訓童蒙爲諭
俗文以化頑梗百姓遵用其教宸濠反公適勘閩
事道經豐城聞變急走小舸反贛至吉安知府伍
文定亟入謀起兵討賊密遣諜四出執牌宣言京
省各處大兵旦夕至濠遲回半月乃出南昌而

兵力已具誓師樟樹鎮聲罪致伐進兵攻破南
甯二日發兵躡濠後濠在安慶聞之解圍自救公
迎戰樵舍用火攻遂擒濠及李士實劉養正等捷
奏獻俘權倖江彬等有異謀功停不叙止拜巡撫
江西之命嘉靖改元詔錄公功封新建伯兼南京
兵部尚書憂歸五年起督兩廣討田州叛目既受
降因用之以平八寨公病乞致仕至南安卒隆慶
初贈侯謚文成予世券公之學以致良知爲宗旨

贛縣志

卷九

名賢

十一

其教盛於江西用兵如神籌畫精密對客笑談萬
衆遙集擒曾俘馘獻凱轅門左右尚不知也寧庶
人變起倉卒公不顧九族身任其事不待請兵請
糧而旬朔之間卒能以萬餘烏合之衆破強敵十
萬之師亦古今之所僅見者越萬曆間詔從祀孔
子廟庭

趙抃字閱道西安人景祐初進士及第累官殿中侍
御人目爲鐵面御史嘉祐六年爲右司諫極論

侍出守處州政尚簡易召諸縣令使自爲治令
舉其職屢至獄空造舟百艘以待宦遊嶺表之以
喪還者至則給舟并道里費俾貧窘得免窮途之
哭改鹽法平灘險民賴其利朝廷聞其治有餘力
召知御史雜事不閱月爲度支副使後拜叅知政
事卒謚清獻

孔宗翰字周翰孔子四十六代孫道輔之子登進士
第嘉祐中權知州事州城歲爲水齧東北隅尤易

贛縣志

卷九

名賢

十三

墊圯宗翰伐石爲址冶鐵錮之自是水不爲患嘗
以邵八境圖乞蘇軾詩八首刻諸石累官刑部侍
郎寶文閣待制

文天祥字履善廬陵人寶祐四年狀元及第累遷直
學士院忤賈似道致仕咸淳九年起湖南提刑乞
便郡養親十年改知贛州明年爲德祐元年正月
朔詔天下勤王天祥捧詔涕泣使邑人陳繼周號
召鄜中豪傑有衆萬餘將入衛其爰沮之天祥曰

國家養士二百餘年一日有急徵天下兵無一人
一騎應吾深恨之故不量力而必以身殉庶天下
忠臣義士將有聞風而起者社稷尚有可圖也于
是盡以家資爲軍費八月提兵二萬至臨安除浙
西江東制置使兼知平江明年正月伯顏軍臯亭
山有旨令天祥以資政殿學士入元軍講解爲伯
顏拘留亾入真州爲制置李廷芝所疑乃走通州
渡海至温州見益王勸進王卽位拜右丞相與陳

宜中等議不合遂以樞密使出劔南趨汀州遣叅
謀趙時賞諮議趙孟深將一軍復寧都叅贊吳浚
將一軍復雩都明年三月復梅州自梅州出會昌
戰雩都大捷開府興國盛兵薄贛城下招諭使鄒
鳳率贛諸縣兵直擣永豐吉水黎貴達率吉諸縣
兵復太和臨洪諸郡軍勢大振元遣宣尉使李恒
來援諸將戰稍卻恒遂乘勝追至空坑我兵大潰
天祥得逸去至五坡嶺被執囚燕京四年元主旣

壯其節又惜其才百計屈之終不可得從容就義而歿真不愧衣帶贊云

周敦頤字茂叔道州人歷南安司理叅軍與運使王達爭論一囚法不當死達不聽委手拔曰殺人媚人吾不爲也時年少不爲人知興國宰程珣假倅南安獨重其人令二子顥頤師事之判合州趙抃爲監司臨之甚威及判虔州抃爲守熟視所爲乃執其手曰吾幾失君今日乃知周茂叔也後抃與

贛縣志卷九

名賢

十四

呂公著交薦于朝擢廣東漕運虞部郎中改提刑卒謚元公

論曰邑志秩官循良例止一邑耳令以上雖賢不得書書斯僭僭斯誣矣顧蒞虔自統轄而下理學名臣代有其人當年教化所被實先附郭地卽朝夕覲光沐浴德澤亦贛人士居多嗟乎一懋一說猶載言勿拜矧遇化存神于今受賜乎故於循良而外特著親臨名賢夫豈僭耶誣耶

駐寓名賢

漢

高帝六年庚子

穎陰侯灌嬰略定江南置豫章郡駐贛地築壘於雩
將兵擊尉陀

晉

陶侃字士行鄱陽人以侍中太尉入粵還駐彌月舟
至別灘風阻坐中流磐石上集飲至今呼爲陶公
石

贛縣志

卷九

名賢

十五

唐

張說洛陽人武后策賢良方正說對第一朝廷大著
作多出其手爲中書令封夔國公先是與宰相不
合謫嶺南畱虔地寓紫極宮撰有碑文

宋璟以廣州都督入相畱虔寓豐樂寺

張九齡字子壽以弟九臯任贛令畱署凡治贛善政
多藉經畫後累遷同中書門下平章事

宋

劉安世字平叔安福人與邑人曾開相交善發明理
道宗旨後登紹興進士令雩邑時開在朝世每過
虔必躬詣曾宅祇祛鹽蔬一束餽問而已

程明道伊川二先生以父作溫公任興邑令命之南
安師事周元公還虔留月餘時年幼與邑人曾公
尹等交游

包孝肅公拯過虔師事邑人陳晦之於崆峒山中

蘇洵字明允眉山人游虔邑人鍾棐與弟槩相交善

贛縣志

卷九

名賢

十六

洵不飲酒每爲設醴其後洵子軾轍過虔必造庭
訪棐又與其子志仁志行志遠敦通家之好云

蘇軾字子瞻洵子紹聖元年秋以端平殿侍讀學士
落職謫寧遠軍節度副使惠州安置駐虔月餘與
邑人陽孝本孫志舉遊元符三年復朝奉郎次年
正月到虔四十餘日贈孫勳詩有我從海外歸喜
及崆峒春之句每游寺觀邑人多設佳楮墨盞置
案一楮尾各書姓名拱立以俟公笑視畧無所問

縱筆揮洙隨楮付其人至倦則嘆日日暮矣恐小書不能竟人人忻躍謝去後建祠於光孝寺

孔延之新喻人家貧好學夜則燃松照讀日則戴經以鋤服膺周子以女妻邑人曾準嘗至虔率婦同請元公講學

岳飛字鵬舉湯陰人紹興三年以神武右軍都統制平嶺表至虔又命討固石洞寇捷聞帝手書精忠岳飛字製旗以賜初以震驚隆祐太后之故有睿

贛縣志

卷九

名賢

七

明 旨令屠虔飛請宥脇從允之虔人戴德肖像祀焉

常開平名遇春定贛奉詔命保全贛民因立柵浚濠自甲辰八月至次年正月俟守將熊天瑞自出降公誠不殺一人捷聞遣使褒諭後建祠祀焉

朱濂字景濂浦江人洪武四年七月以國子司業上孔子廟堂議謂荀況等七人宜罷祀又謂回參伋坐堂上其父列食兩廡顛倒羹倫上不喜謫知

安遠縣駐贛二月造崆峒山中訪邑人劉宗弼作
崆峒雪樵賦贈之

解縉字大紳吉水人永樂中游贛自入灘以上寺觀
俱有題詠

楊士奇泰和人初名遇弱冠遊贛贛守儒者見而異
之辟攝琴江教事以告避匿通天巖石有詩句
後改名累官大學士謚文貞

丘濬字瓊山瓊州人屢駐寓鬱孤臺歷遊勝境題咏

贛縣志

卷九

名賢

十八

甚多天啟間贛令丘爾懿卽其冢孫

羅洪先字念菴吉水人嘗遊虔講學於鳳凰臺後建
念菴祠於其上

鄒元標字南臯吉水人爲諸生時游贛見郡邑胥役
多奸猾虐民輒目睜髮指語贛人士曰吾得志時
急爲爾贛除若輩俾民得聊生也後成進士觀政
見編修吳中行等疏劾張居正受廷杖憤甚上疏
亦受杖謫戍名震中外時移書虔撫王廷瞻檄郡

邑緝奸猾胥役八人律處贛民自此安焉

陳際泰字大士臨川人甲戌會魁遊贛寓數月與邑人劉曰佺曰价講學論文邑鄉先生謝鳳渚劉梅傳志悉出其手

艾南英字千子東鄉人崇禎乙亥寓贛邑人從游者甚衆所作傳文誌銘載天傭子集中

楊廷麟字伯祥清江人崇禎辛未進士乙酉以內閣學士赴贛殉城

贛縣志

卷九

名賢

十九

劉同升字孝則吉水人崇禎丁丑狀元乙酉七月携家赴贛十月以病卒

論曰贛故南北軸也馳使節歷游覽歲無虛日歿千百年間以姓字傳者無幾豈其至止者不盡賢賢者不盡至止耶余嘗採訪舊聞因得駐寓若而人每跡其杖屨所至之處流覽吟咏聲容亮在幾徘徊不忍去及觀武穆請命不屠開平一詔不殺又未嘗不悠歎以思湊歎以悲也

壯其節又惜其才百計屈之終不可得從容就義
而歿真不愧衣帶贊云

論曰邑幸有官舍以例止一邑耳令以上雖賢不

得書書其作僭斯矣而下理

學名臣不其人當年發化既實先附郭地

即朝夕勤光沐浴德澤亦顛人士居多嗟乎一

懇一說能載言多拜矧過化存神于今受賜乎

故於一邑循良而外特著親臨名賢夫豈僭耶

顛縣志

名賢

十五

誣耶